



秋澗先生大全集卷第三十三

七言絕句

野莊圖并序

承旨董公繪野莊爲圖求諸賢題詠
中齋草序以同人致亭晦叔撰銘以
儼倫溢美恐未盡公臆之所在若夫
士君子出處固皆有命不可以遲速工
拙爲言然當得行道際靜退之心何
嘗食頃而不在懷也以艱於自云必
托物以表其志雖未能掛冠神武歛
裳霄逝較之鍾鳴漏盡不已行者猶
賢乎已喜爲賦詩初弗計其不自量

也其辭曰

午橋吟醉平淮後商嶺鴻冥定漢餘正恐野莊歸未
遂九重思治望新書

老筆鍊餘詩律細事機諧久宦情踈輞川圖上王摩
詰靜退爲心是本初

寶珠換却杖頭鳩空見秋瓜憶故丘白首相者官舍
底晚年心事轉優游

輓馬圖

馬蹄立論見天機四輓鹿沙更適宜恰似解袍隨意
處小齋磴磳退朝時

題錢舜舉畫梨花

香飄玉笛真妃怨雨暗官衙樂語婁不似錢郎能駐

風庭日醉如泥

西千樹開春華莫把芳容帶雨誇看取一枝橫絕
處洗粧還是漢宮娃

題廐馬圖

前年扈從獵長楊偶雜髯騶宿野莊一捧玉華三百
死老人垂淚說

先皇

三笑圖

元聖開天一理融推心不外善爲宗後人剛作無同
論三子相逢笑殺儂

題劉導引卷末

傳家素有延齡錄手澤珍藏鏡李薛吹就棘心親不

在每觀淒斷凱風詩

題朝元宮劉道人秋聲圖

紫極宮深景氣秋
脩脩翹翹竹發詩
愁謫仙千古風流
句輸與歐公作巧
偷少年心事讀書臺
涼入郊墟已快哉
星漢在空人未寢
一聲猶憶樹頭來

寧戚叩角圖

長夜漫漫志未伸
單衣雖弊霸圖新
一匡已在夷吾佐
激烈高歌惜自陳

覺山寺題示

元貞改號夏四月九日為
勅建司徒鞏公墓碑同朝貴來會需

命間客有談盧師當遊者
抵山趾道

阻遂折而入覺山精舍
觀泉發茗景

氣瀟爽不獲留宿為恨
山僧泚筆請

留詩于壁偶書此以記
來曾借遊者

太一李宗師承旨董野
莊大學李內

翰東平賈彥載秋澗老
人王惲題

為樹瑤鐫未奠間杖藜
尋勝一躋攀世間萬事
真難必來訪盧師入覺
山

誰削蒼巖峻作崖碧瀾
直上妙高臺靜功儘辨
瞿曇

鉢石鐫清泉迸玉來

山因寺勝寺依泉雲自
無心景自閑懶陟上方
窮遠目黃塵深處是人
間

丙吉問牛圖

此抹時纔得一姚崇

右軍觀鵝圖

照眼鵞鴨引頸來
宵中妙思與之偕
寥寥尚友千年後
只有涪翁識此懷

又跋問牛圖

冥理論思一相功
只今機務簿書叢
後人刺口無輕議
世事看來總不同

閩海道憲司書吏張禧事母以孝聞本直
具詳上達得請乃以所居論秀坊為
里旌異之時其餘壽人扶也居於

健如五六十人諸人賦詩為慶

更業傳家說寧馨
炎方享壽見徐庭
婉容還憶相看處
燭治官書在憲廳

養親致樂固多歧
無重承類志不違
純孝表門纔兩字
四山和氣動春暉

平生快吏元康筆
俯就功名力不難
避迨南陔見深愛
為親初不厭卑官

鄉間顯異有新書
衣錦還家喜不如
歸到建園春正好
里人拭目拜潘輿

寸心擬報春暉養
祿食榮同穎叔羹
兩地月明思最切
倚門心事正懸旌

建人悍勁尚氣節
不尔秀狎多文儒
鄉間今說張忠

孝還侶中林返哺鳥

淵明臨流賦詩圖

秋水門前有令姿先生非是好吟詩因觀逝者如斯
說天運何嘗有息時

題存樂堂詩卷 主人姓王曾為燉煌省掾

當年膝下侍慈顏蒲樹悲風入夢寒不及一杯救水
養對君慚愴淚闌干

寸心不到南陔養空羨中林反哺鳥最是范公含恨
處百年溫飽見妻孥

題成經歷晚翠堂

雙檜堂前晚翠新歲寒相對更情親東家桃李君休
羨爛熳光風幾日春

七十平頭恰數朝望秋蒲柳到松喬何當醉倚巖林
處滿院秋煙濕翠翹

明皇驪山出獵圖都尉王晉卿筆

五家錦綉迷川谷萬馬旌旗獵帝師治亂兩途明在
眼丹青渾是黍離詩

玉泉巖并序

元貞二年正月中旬兩夢登海山絕

島明日隣人為巨濟以此山見示巖

巖四面皆自天成色深翠秀麗惜其

淪落泥塗慘淡有未之發者上刻五

題曰壽山曰玉泉巖其傍絕頂有懸

流一脉下注山足甚鮮明也曰崆峒

洞曰子陵灘曰白石瀨皆以金填形
勢與玉泉山不殊疑前金宮中物也
兩夜登臨倚碧岑夢中驚絕此崎嶇朝來翠射娉婷
底笑煞平生未足心

送韓推官之任廣固友人韓侍御君美子

歷試諸難貴遠期休言為吏莫為推煩渠細讀龍岡
表恐是廬陵積慶基

花樹韋郎好弟兄當時同宦最關情三年不見諸韓
面却為儀山作送行

元貞丙申立春日作是年臘月五日

前歲徵車起陸沉清優特置在詞林明知不是商顏
叟當體

先皇養老心

終日思歸憶故山玉堂金馬有堪憐只知蓮炬君恩
重其柰山公啓事偏

六藝蹴空成底物龍鍾何有玉為堂眼明愛殺韓忠
獻到了蘇坡一議郎

題西湖圖

東南形勢說餘杭誰辨山谿作國防踏雪欲尋龍井
去表忠祠下謁錢王

丙申歲京師元日門帖子

三冬露處無家客七十殘年有限身強項一生今潦
倒更將低首嚮何人

中舍無心喜外遷非緣詞筆厭雕鐫眼卜故舊飄零

盡嗤點從渠最可伶

錢舜舉折枝圖

探花走馬醉西城歲與東君佾有情不是今春風色
惡折枝圖上看清明

院中即事

元貞元年為修實錄
移在北中書省內

有時下直出銀臺三昧楞伽亦快哉不似近年官事

急小車還聽吏批來

李肇翰林志說前輩傳楞伽經一本亟
在聖壁每下直出門相語謂之小三昧

出銀臺門乘馬謂之大三昧
如釋氏云靈縛而自在也

重遊玉泉

并序

元貞二年龍集丙申三月二十八日

大駕北狩同翰林諸君送次大口回
獨與孫奇西過玉泉因憶至元七年

御史裒行時來遊者一十有五人歲

月如流轉首廿五年今在者李司卿

輔之溫漕使次霄與不肖三人耳人

欲久不死而于人世何如也凡得詩

三絕留山間而去

輕轆澤車轉碧崖山煙喜客望中開畸人問我從何

自適送■鑿輿大口來

進水山僧去未迴日長空閣獨徘徊尋詩不到瑤華

洞跡遍松間碧色苔

山頭亂石闔欂屨水底浮光浸碧霞絕似蘇門山下

路惜無脩竹與梅花

清白圖為何掾舜舉賦

傳家素有游儵潔竊祿生憎碩鼠貪三考臬司如一
日眼中何祿德無慚

題韋偃十馬圖

浮深角壯恣游嬉
沙苑春風碧草齊
聞說紫宸初立
仗內家正要不鳴嘶
國初鞍馬說江都
今見韋侯十駿圖
獨愛少陵忠義
氣艱危安得濟時需

和東泉翁山中雜詠一十三首

過眼紛華興未闌
人生難得老來安
山中致爽饒清
賞不是悲秋強自寬
山居
為愛淵明不自賢
夕陽飛鳥兩忘言
已邀白日羲皇
上况復青山是故園
清美堂

啓期三樂素非狂
帶索行歌老自量
明理已安循理
輟息心元是養心方
歸來亭
生平游刃擬青萍
一日歸來與道寧
繞樹每憐驚木
鳥思親時上望雲亭

丹砂玉屑燕窠窠
臺閣風流見一時
桃李春光能幾
日惜君元有歲寒姿
幽芳軒

朝三暮四本來齊
誰爲兒童較栗梨
今歲見花欣實
美山中風物要通知
香雪原

田家剝棗暮秋初
野甌蒸香木蜜酥
不富正緣無滯
貨芋魁壙外又成區
木蜜岡

山中處士玉堂仙
兩地相望思渺然
說有詩來多勝
緊含情多在碧雲牋
杏塢

靜約幽人品羽茶偶隨稚子去鋤瓜問君何似東陵
日猶是崦山故老家瓜堰

門外清泉兩泂流臣心如水平更何求濯纓濯足終多
事已分心身到逸休東泉

樹影扶疎聽鳥音可堪時事百年心高情愛殺陶元
亮一醜秋香見獨斟西泉

德澤涵濡得二難百年祠館見遺安蒼蒼一片墳臺
石留在行人下馬者墳館

上論推稱謚取公瑄鐫三尺刻文通因君喚起西南
與夢寐涸溪碧漱中先君衛士夫私謚為文通先生

曹右丞生祠手卷

前年拜掃王墳廬笑逐雙有到並驅林薄氣清侵暴

遠人家春社樂于胥

農樂無如歲有年更將民瘼細為蠲應憐右轄祠邊
山花柳深村有二天

李白醉歸圖

雲陣橫陳大渡河一書能解六蠻和仙韶莫詫君王
寵七寶粧嚴未是多

襲美堂詩雲中張釭母姓楊氏性資淑惠
小心敬畏早見知於中宮出入禁掖垂三
十年前後賞賚濃渥揚歿

上思保育之功贈安翼趙國夫人生子六
人長曰鎮出刺荆門沂水二郡其四曰鑑
知東勝州餘皆宿衛

宸庭

襲美看來嫩在中當時安翼有深功春風吹下蓬萊閣
二子歸來五馬驄

自題寫真

白髮刁騷一幅巾遺書浩浩百年身縱令不入麒麟
畫已是三朝館閣臣

李德裕見客

唐韓滉筆徽宗臨并

御題在後

金鑿載筆寵光多三鎮開風自削磨閣運中興元兩
樣相君勲業遠蕭何

恩讎平日太分明曾次看來氣未宏不鎖權坊停衛
士諒知堂上有奇兵

勤華夷機務論思儘有為一貶未應生重

感崖州山色要新詩

經綸心事在思亭據榻高談侶自矜不見省中温室
樹孔光終了說何曾

有才善處是無權朋比為心自黨偏邂逅那樓回首
處杜門應羨晉公賢

意氣揚揚與脅肩較來失德兩同然春風滿眼桐花
鳳不是當年諤諤賢

送同知范君璋之任平燕

昆明授法起號嗣民瘼洗蠲宜飽知後日鳴絃千室
邑豈惟活國說良醫

君璋真定人充官府典醫署嘗愈晉王疾故稱國手

三紀承恩鶴禁深一官溧海任浮沉固應天上張公
子好識當年大范心

張遂初詩

鶴禁辛勤四十秋，端功端品可封侯。
一官終入尋常選，猶被時胥問解由。

需軒

閉閣陽城醉侶泥，諫臣爲論在韓疑。
一朝力折延齡相，識得三陽出險時。
據按事從中道處，洗心思與繇辭新。
小軒不似朝來喜，倒屣門前不速賓。

則天朝回圖

萬有潛隨一氣回，武炎七火李如灰。
上陽宮殿春風暖，花底朝鞭隱若雷。

過義山記老人語

刑清兵寢歲豐穰，五十年來帝道光。
駝馬欄東逢老叟，向人猶解說先皇。

題劉元禮挽詩卷後

有得歸爲怙恃榮，三年索米可憐生。
一盃不及慈闈養，空有殘魂遶斗城。

三尺秋墳燕地鬼，一篇新序翰林詞。
友生最是情鍾處，夢斷空梁月落時。
客死無歸最痛心，李生哀慟惜知音。
只緣識得天倫重，不爲黃金綠綺琴。

任氏具慶堂詩卷

善積中來慶自全，一堂和氣覺春寬。
人間兩字風流處，貼在兒兒額上看。

壽接諺語應踰七數比名泉更益三婺女老人元瑞
世兩星今見濟之南

劉簽事友竹亭詩

退食歸來對竹吟相者同抱歲寒心只今眼底交情
薄不似環亭翠影深
公子清標有足多紫微垣外侍雕戈料應瞻彼猗猗
典瑟憫功夫見琢磨

題錢選臨曹將軍燕脂髀圖

涪翁醉草丹青引祕省珍藏獵騎圖老眼再觀知有
數喜從唐本玩臨摹第三句一作書入昭陵那復得
龍種中來見異姿春風舞影下瑤池馬中岳湛錢郎
筆寫盡坡仙七字詩

刻烙天全固可悲不應頤影自驚嘶君看慘淡經營
意重為莊生解馬蹄
首脫金羈藉帝閑春風沙苑草芊綿承恩幸在休閒
地誰與爭鳴八駿先
良驥初非以力聞丹青傳寫畫圖新超超說是千金
駿蹠啣何曾到圉人

相馬圖

駑駘安分老青芻駮駢論才白璧酬相馬只今誰伯
樂解教駑驥兩垂頭

題趙崑人馬圖崑五代人掌為朱溫駮馬都尉

天廐真龍自不凡未妨束縛具羈銜當時一筆千金
重今恨無人說趙碧

甲午歲門帖子

旅食京華兩見春，衰年來作玉堂臣。一家溫飽恩光
裏，補報無方愧此身。

題徐中丞子方愛蘭軒詩卷

吏部尚書 昔刺濕索賦

幽蘭在谷似幽人，相近相親有使君。獨愛遜綿詩律
細，宛從平淡發奇芬。

手治蘭臺種竹圍，護香籠日淡炎暉。絲綸閣下文書
靜，却似當年對紫薇。

山行還喜得夷途，路轉蘭皋更可娛。十里曉煙香不

斷，春風吹袂過鵝湖。

予嘗往來餘信間景物多異惟鵝湖山氣清淑土脈馨潤所產花卉非蘭即蕙其餘

有不敢與之並者晦庵先生少時愛其地勝嘗讀書於此特表而出之

濟南錄事參軍解君瑞芝之圖

曄亭亭紫蓋，光氣和無地。不芬芳一枝，特秀溪堂

似表參軍政異常。

從來腐朽化神奇，正自餘精發菌芝。浩蕩上林春色
裏，自怜蒲柳望秋衰。

題李巨川衆芳亭

引水溉餘紅藥秀，遶欄看得綠陰春。帝城擾擾黃塵
底，獨惜幽香亦可人。

傾囊不惜買花栽，釀酒留香待賞來。說似西園籬索
客，從今無復眼慵開。

主人襟韻有餘馨，俯仰乾坤一草亭。餐菊佩蘭當此
際，江漁休笑屈原醒。

淵明歸來圖

獨遊初不爲良晨步入斜川別有春多是歛裳宵遁
日眉間歸色喜津津

徽宗花鳥圖

無逸圖空冷御幃翠香玳羽惜娉娉不思三代池臺
樂感致中和本四靈

疎梅寒雀圖

苦愛梅花結素緣野莊曾次本蕭然枝頭凍雀何爲
者時許分香到夢邊

長記扁舟過武夷仙家梅竹滿清溪山禽盡日吟幽
致爭揀寒枝趁晚栖

題邢君用意齋

禹城方伎響邢君碩我龍鍾老病身賦就瘁梨空自

惜幾時相對意齋人

百疾中來有變常智人察色信能量細看難素縱橫
說到了何曾有定方

醫言意也精微而危不誠無物誠斯明斯意誠
心正以至國治治國尚可奚難於醫仲尼無意
人孰能追莊生刻意我非敢知惟神聖工巧意
行不疑然後是齋之所謂意者庶幾得軒岐之遺

甲午歲門帖子

新春元日兩爭妍氣朔分齊本自然不待書占雲物
喜上旬壬子是豐年

題張太師浩家集後

功名有分事無難談笑貂蟬素履間松菊堂深歸未

老西州扶病嘆丘山

跋雪峯居士顛草後

筆從簡古發濃纖書到顏樵兩具瞻不憶雪峯揮翰
手怒轟雷火學秦蟾

濡墨池邊說醉顛書家初不數鍾權縱橫詰曲千文
帖篆隸中間有正傳

元貞二年秋偶至新店觀光驛迴思往事
蓋三十五年矣因書壁以記重來

漢署風雲控北坡萬方奔走聽虞羅偶思三十年前
事夜半郵亭索傳過

湘江晚渡

賈傅懷騷動楚悲退之伸禱謫潮時黃陵廟下山如

畫一掉江烟晚去蓬

霜露西南氣已疑物華從此見衰榮漫山桃李春能
幾愛煞寒溪四友清

枯木寒鴉

枯樹寒梢凍欲冰野鴉翻影若爲情錦鳩呼雨煙林
外紅杏香中過一生

楚水歸舟

漢東歸興楚江帆老我南宮石不堪莫訝西風煙棹
速秋霜香瀟洞庭杪

菊軒姜君美係斗南先生外甥

姜家籬落以斜川野圃秋容淡淡煙何待白衣人送

酒一軒風物已陶然
生平愛菊菊名軒細撚秋香憶昔賢似續外家無盡
藏壁間渾寫和陶篇

子路問津圖

轍環天下老於行二子相忘不輟耕休爲聖賢分二
致本來出處不同情

元貞三年門帖子

平生報國寗情踈千里思歸意未舒只有暮年心健
在一燈清影課殘書

大簡之山水橫披

雨濕溪煙凍不飛一船燈火曉光遲風蓬冷泛東山
月記我茶洋早發時

知本齋

先生憲府舊乘驄骨鯁人稱鐵面翁此日籌堂見餘
慶一門和氣樂融融

人物原原有自來特將知本榜新齋歸根返壑
皆吾事庭草春來綠滿堦

霸陵風雪圖

詩瘦清於飯顆山蹇驢馱入畫圖間姓名得掛金
鑿月風雪長途是等閑

跋左山公書東坡醉墨堂詩

閉戶經年翰墨場鐵心入道漢王常折衝不縮堂
堂手思入顏楊鴻鴈行

夢回仙以丹劑療疾

黃鶴留題世已驚又遺丹劑化盧生夢回仙馭無從
見何處秋風一劍橫

碧桃青鳥圖

上林春滿漢宮煙翠雀飛來態度閑王母西歸
方朔去碧桃華影語闌闌

瀛洲僊集海微茫翠鳥湘桃更異常似為碧霄
宮宇寂故傳芳信到劉郎

孟母三遷圖卷贈新軒子張

孟母三遷養聖功芬芬千古振高風披圖欲識
願齋意人道神交管鮑同

題張昭信濟江調兵記目

堂堂大將伯顏公萬舸浮江節制雄今日河山歸一

統却從遺藁見元功

題蕭氏承顏亭

曾門為孝固多聞不似承顏孝節純人說小亭如斗
大一欄花木四時春

東坡赤壁圖

先生曾次有天遊萬里長江一葉舟欲托悲風瀉遺
響恐驚幽壑舞潛蚪

題錢舜舉牡丹折枝圖

翠帷高捲出傾城並鬢凝粧別有情似為洛人矜絕
艷兩枝相倚鬪輕盈

李擇善甫貫錢詩卷

營營市井逐錐刀戈戟相尋較一毫焚券貫錢如棄

徒丘陵宜並泰山高

宮廊校書

浙爛朝章報恐差青編搓碎旋添加就中書削無多
意坐到宮廊柱影斜

任伯如慶母夫人八十之壽

發光簾幙寶煙濃八十慈顏壽樂融健羨鹿泉新句
好一堂和氣畫圖中

風高雲夢夕

江連雲夢夕多風萬斛龍驤簸蕩中常記瓜洲乘醉
渡片帆幾落海門東

枯木寒鴉

亂鴉翻影上枯枝點綴荒寒見野祠絕似首陽山下

路滿陂晴雪祭餘時

秋蟬堂詩

霹靂湘琴得正傳新聲曾擅泰和年玉音又與人俱
逝時賴秋蟬續斷絃

屈原對漁父

國既無人不我知秋風澤畔一湘纍君臣大義明如
鏡抵用漁翁辯吸醜

題張君利甫秀巖琴譜手卷

故家人物秀岩仙一曲瑤琴有正傳鄭重張君寶遺
譜不殊親授廣陵篇

題紡績圖

三晉遺黎樂士農綵為業略相同細思七月豳風

詠不到春坊錦繡工

千里秋晴圖

出門藜杖思飄飄千里晴霄見羽毛特爲樊川發清興南山秋色兩相高

江船曉發圖

漠漠溪煙凍不飛一船煙火曉光遲風篷冷泛東山月似我茶洋早發時

秋澗先生大全文集卷第三十三

秋澗先生大全文集卷第三十四

七言絕句

讀漢武帝外事四詩

汾水西風出頂柴後薛稱自馬遷開誰知留謗千年後還向班生筆底來

瀟颯神飈下寢園玉衣晨舉馬嘶煙不容夢語加明譴應是千金漢相賢

白髮劉郎一帝巫老方服食悟前圖首言要格君心妄萬古鄒卿一大儒

太一蓬仙杳不聞龍輿三駕海東雲明知求訪終無驗才悟文成又少君

羸傑而顛徹黷兵較來遺跡不多爭戾園甘分秋風

裏流血爭教到市氓

鷁艦龍旗照水開
昆明都試想雄材
眼中不惜肌膚膏
盡博得西南拘誓來

晝獵南山夜不歸
白龍幾中豫且危
論功正有高皇約
不爲諸孫濟所私

二喬觀史圖

二喬絕艷煽江東
一札龍韜閱未終
多是周郎傳報捷
華容燒虜夜來空

劉永年棘兔

周身有術無牙角
出沒中林草棘深
幸自得沾閑靜處
枉將陰巧見機心

神明之後管城封
埋骨詩書有駘功
原野暖煙三穴

樂緣雲無夢入蟾宮

月中搗藥伴蟾蜍
嘯傲秋風桂影疎
今日弃捐那棘底
免冠其謝不中書

振熬圖

厖然織毳褐毛鮮
閃閃蒼精照帝軒
誰爲此監揚得意
一言曾達漢文園

何人刻繡旅熬圖
慘淡風煙較獵餘
不寶珍奇安遠邇
至今人味召公書

風雪藍閨圖

天威不遠雷霆迅
雪擁藍閨惜自傷
不似老坡南窳夜
一天風露縱浮航

亮鋒突折王庭湊
赤手嬰鱗撼憲皇
可惜堂堂忠義

氣狂將衰朽托吾相

庚子歲門帖子

庭驚爆竹驅雛鬼門掩春風貼畫雞戀

關心丹老猶在夢中來趁筍班齊

庚子元日即事

春融官閣梅仍好暖透墻陰雪盡消長記紫宸朝退
後洋洋猶說太師韶

覓酒正月三日皆風色陰寒

門外風靈障日昏地爐吹火發春溫牀頭說有青藤
釀好遣麻姑送一樽

敬甫英豪蓋代聞三年幸得作比隣閑來屈指從頭
數得見青瓶有幾人時以佳酒貯青瓶來賦

題文殊院壁

吳僧久住文殊院千里東歸未有涯十二通衢春雪
滿又携藜杖去誰家

跋梁中憲無盡藏手卷四首

人物風流晉永和一樽觴詠百年歌邇來水檻中台
宴更比當時樂事多

長橋春露濕吟鞋共警時思怵惕懷只為一終天理
在晚香何有百花崖

鍾鼓山林窮勝事衣冠韋杜似樊川一門顯允稱多
士野老猶能說定年

馬頭旌旆入騎行劍佩瑤瑤尹雒京特就房山崑畔
月百花潭水濯冠纓

海岸古木圖

古木螭蟠鬱有華輪因竒崛欲誰誇何年海藏龍宮
使推出秋風八月槎

題肅齋詩卷

坐如泥塑程明道笑比河清孝肅公一字名齋見操
守儼然思有古人風
外自形骸內自心敬恭交養理尤深用功不必求他
說細讀西山夜氣箴

再題梁氏無盡藏

月白風清世不知園林鍾鼓想當時萱堂此日南陔
樂又見有興拜慶詩
洹水郎山雨露春江山如畫見橫陳世臣喬木千年

事長配先生德日新

吳郡張總管代輸民租手卷

吳郡張侯潤屋餘歲供民賦濟貧居二十四考中書
令此樂融融未必如

庚子歲冬與僧印相對見其頰瘦戲作一詩相贈

雲在青天水在瓶禪閑終日不曾有莫疑磨納松形
瘦午夜吹燈唱佛經

又題遠僧定禪

東林法第隱峨嵋風雨中途避樹枝千劫塵緣終共
盡枉將公案詫神竒

題王國祥適安齋詩卷

神光仰面溢流東
睡起東窓日已紅
適意有詩揮有酒
曉猿休訝草堂空

浙崖煙隔回逋駕
山鳥山花樂亦佳
一夜山靈來軟脚
盡分空翠濕吟鞋

起居有道適之安
况復山人已考槃
辛苦東曹馬觀復
簿書燈火五更寒

克鋒北折恒山逆
鰐暴南移寢宅空
天地此身無定在
適安何似一盤中

馬卿來索適齋詩
終歲思歸未得歸
羨殺昌黎盤谷叙
山林長往取知機

呈德昌郎中

太平朝野足娛懽
懽漢日舒長省府閑
前日景陽臺上

燕一堂絲竹兩東山

江山大筆硬盤空
誇海歸來不自權
紅藥滿塔春露濕
看君給事大明官

沉沉宮漏出華遲
曉日雲籠簇仗齊
前日彤庭青瑣客
只今騎馬欲雞棲

蘭陽僧榮說昔開
汴河得入定隋僧
今移葬宝相藏寺
前殿趾下手爪纖
長纏繞兩膀或問
彌勒下生否未也
榮說寺中見有

碑記

漢家習戰鑿昆明
劫火留灰憶見曾
誰謂大梁蘭若底
土中入定有隋僧

錢舜舉桃花黃鸝圖

金衣公子絳桃芳飛下喬林過錦江細按玉琴能巧
嚙絳紗高捲薛濤窻

壽陽公主折梅圖

滿庭梅影媚春陽粉萼封香散麝囊折得一枝春在
手含章宮閣闔新粧

寶擔公鳳探芳叢瓊藥飛翻入卦中一自粉綿輕拂
散暗香吹滿壽陽宮

題武教授峨嵋山谿堂圖

野水林塘淡欲秋日長繒繳在沙頭故山咫尺峨嵋
外未礙因人作遠遊

張金吾慎獨堂

赤丸夜語飛電如微巡誰猛張金吾能於不覩不聞

際一委纒生制得無

中和堂

草隨風偃理之常况是京師首善鄉聞說開元天子
聖羽林多半授經郎

慶壽東西二橋

慶壽精藍文室前松粧盈庭景氣蕭

爽嘗引流水漑鳴其間東西梁貫以

通往來今水湮橋廢止存二石屏上

刻飛渡飛虹橋六字筆力適婉勢若

飛動有王禮部無競風格寺中相傳

亾金道陵筆也主僧西雲安公喜作

詩通書學以無礙妙辯現當機應身

軒露頭角價重紀堂緬懷遺跡修護
珍惜屬秋澗翁作詩讚嘆傳示後來
謹賦二絕奉答雅意秋澗三憚和南
花木禪房逕窈通臥波曾覩未雲龍摩挲一片西山
石依舊宿奈照碧松
飛渡飛虹摠舊名玉洲無復繞松棚偶投靜境便僧
話指碩理鑿說道陵

半山石詩

一峯山骨動溪神小字金書爽醉翫竊次濫巾非我
事約公同賞謝家墩

公精舍定林居蔣廟相過恰半途不憶半山亭上
溪光一夕照吾廬

農里嘆并序

至元廿八年秋九月檢視水災趙之
東備自平丘至劉村度凡一十一處
因老農問答集爲十絕句茲以見農
家有終歲作者卒至於無成者可哀
也哉作農里嘆其辭曰

今歲馮夷勢寒驕漫流西岸不知遙枯槎聚沫猶然
在特見田間擁樹腰
潦水南來接滹兩河會合泛田廬官來檢驗承尊
重所望申圓早得除
寧晉東南舊馬頭今年秋稼被灾稠至今田畯揚旌
處猶作長河一漫流

漲痕到處盡翻耕
壟畝縱橫宿麥青
馬首野人爭說
似肯教欺昧老提刑
薄有田疇在遠坳
近村減墾不能耕
今年已損秋禾
了庶望來年麥有成

野漲平田一漫蒼
只緣溝澮失隄防
田廬相近初無
礙賴有莊東白草岡

馳傳東來相水災
並河村分盡俱該
莫疑詢訪多諱
複切恐文移不細開

每年秋漲賴橫堤
水縱漫堤尚害微
近爲鹿城偷堰
破放交流潦到柴扉

每歲災傷走吏曹
何嘗南陌到東臯
正緣事重入微
甚特遣官來慰爾勞

穀穗虛穰草色燠
蒲前堆積漫如困
一餐到口還無
濟辛苦田間力稼人

火雲六月旱爲災
嘉穀方苗大水來
老犍瘦來無可
飼放教河底啣枯荻

辛苦農民上所哀
况遭今歲水爲災
得除與否渾閑
事最喜分司檢踏來

責備

利爲人後責居先
子細評來不苦偏
鄭重左山親有
語天心責備最相憐

栢鄉懷古

整整唐旗向日開
賊兵來陣亦雄哉
膽寒已落銀刀
手不待騎河百戰來

泚水

倚空趙壁漢旗殺虜魄南隨逝水寒自是炎劉方爾
燬不應儒將責成安

題趙總尹書堂

趙氏諸郎玉不如籛金雖貴樂三餘朝來放眼芸香
閣信有人間未見書

河內許生希顏愿而有立志予在襄國問
學者月餘及其行也求一言為訓故書此
以貽之

筮仕常深末信懷孔門惟有漆彫開治平果得真知
理青紫何愁俯拾來

題陳居士歸真谷圖三首

林下山間本寂寥只緣久動思漁樵君看白首爭名
者穰穰依前滿市朝
桂樹巖幽謾見招風煙圖畫儘高標一從五柳歸來
後此事人間久寂寥
舉世誰能未老閑風煙空對畫圖間應怜心遠陳居
士杖屨西山夢往還

松林秋月

萬壑松聲月色開夜深清景湛靈臺放懷不為樽中
醪坐聽蒼髯說法來

題劉道濟所藏石屏

石中乃有此奇愛來策臨池障墨動絕似雞鳴南下
望桑乾東捲入寒雲

過寧晉北陳村題陳節齋故居草廬壁
皎皎丹心與義俱要須身外更無餘截然不負平生
志依舊陳村一草廬

生死分岐又六年野煙行入北陳阡不煩更聽山陽
笛老淚臨風已泫然

過後趙右侯張賓墓

自擬籌兵借筋倫品量何必果誰親風雲慘淡龍蛇
裏獨識將軍亦可人

一劍橫談動世龍掃除河朔晉為空運歸曾不論夷
夏軋沒并門坐嘯功

勒遇光皇竝駕先右侯端有子房賢一時瀟洒君臣
契虎視鷹揚豈偶然

鉅鹿懷古

寰宇記平鄉秦鉅鹿也項王解趙圍於此

鐵鎖秦圍一戰開群雄稽顙拜平臺君王邂逅東城
敗驕氣須知自此來

趙圍繞解已亡秦六合風雲霸業新逆取不思須順
守嘔嘔空抱婦人仁

沙丘懷古

一從竒貨落韋機秦自莊襄統已非大寶前依王命
論半當馬後一何微

瀉壁投來讖已真沙丘臺下泣宮臣事機說到還元
慶造物於中太戲人

時苗墓

苗魏人官壽春滿留續寰宇記云墓在平鄉縣東北二十里至今二村以時南時北為稱

典郡風流若可稱當官明允復冰清來時孤特歸遺

犢却恐存心似近名
笑却青鳥取大錢去留黃犢縣門邊就中麪置人情
近似覺山陰守更賢

苦熱

炎官令虐不容安背汗翻漿厭午餐餐遥憶百門山下
水玻璃盆百萬珠寒

沙丘懷古

六國平夷甚虎狼擬從一世到無疆誰期五十餘年
後生處元來是死鄉
擬就靈仙不死期翠華拂面事皆非須知一把亡羊
大望望驪山待汝歸
萬靈詞護駭東處一死沙丘等棄焚不直鮑車曾負

惡黃陽官事儘腥聞黃如字花名玉黃四月關見廣韻
陌上行人去不還眼中豺虎滿朝班齊雲樓下陂陀
血紅比龍袍色更殷
右讀唐昭宗紀
東就梁營怒重岐傾危何翅託若枝日斜袖搭欄干
曲花滿春宮去住時

讀明皇雜事

梧桐葉上雨聲繁絕似花奴羯鼓奮不待迫遷西內
後上皇當此已消寬

讀肅宗雜事

婁京南內廢晨昏與慶宮官不一存進藥失嘗蒙大
恩肅宗當以弒君論

又

擁憐愛子遽聞言天理中還帝汝然龍德本非軋健
體不應良娣健而顯

廣宗早發

武道亭西望鎮陽趨裝猶是四程強夜來一雨叔炎
傘借得長途雨日涼

贈擒虎張侯第三子飛卿

射虎聲雄發五犯三郎閑損玉稍花雍容詩禮相逢
處不信風姿是將家

大學淵源在六經振振儀鷲儘充庭君看萬字長沙
策不到詩家月露形

黃巾墓

洵洵黃妖張一呼棘矜元是力耕夫人心莫作平常

看易動難安最可虞

再過隆平

我欲臨流濯鬢埃沙鷗橋畔莫驚猜其亭一點隆平
塔半歲還成兩度來

銅馬祠

古鹿城西野廟新戰勳猶說馬將軍甲光千丈雲臺
畫只有荒煙對夕曛

昭慶陵

紫雲仙李隴西宗又向平隆見祖宮陵寢栢城俱掃
盡石麒麟鬣動秋風

過唐山望禱帝堯祠

先宅宮庭歲祀新壤歌猶是昔時民遙祈一勺龍弘

水滄與山前洗且塵

讀李斯傳

常笑秦斯訴已忠豈知身墮趙機中沙丘不負先王託雖死猶能保霸功

盧處道處覓書

米家畫畫滿江船月貫長虹夜色鮮欲識廣叔多蓄意北歸分賜到諸賢

題塗水老人趙君璵詩卷

豪傑弁門自昔聞儻來軒冕等浮雲瀟然獨老琴書樂塗水看來只趙君

老鶴昂藏不受羈九臯心與野雲斯翩翩不墜中郎業又向詩書得蔡姬

廣武君李左車墓

廣武籌兵見未形規模儘敵漢威靈天其不奪成安魄赤幟何由下井陘

早發銅梁

早損漳南二十城蚕沙充食葉為羹朝來夢覺梁門驛幾處坊場聽鼓聲

春宮元日口號

日融欄檻猊金麗春滿松廊鶴禁深四海謳歌皇子壽一年得拜老臣心

色目依班向殿趨入門一字立青蒲侍臣直上牙牀啓拜畢分觴當大脯

殿樽人立遠傳臚軋軋聲來啓左樞玉馬抱牽當殿

過一時肅拜不聞呼
沉沉蘭殿鬱穹窿一點前星現半空
事事見來臣分裏中單奚取絳紗紅
暖煙宮殿歲華新入賀東朝異紫宸
內外百官皆便服紫衣獨見海東臣
三薰來獻野人芹不謂芻蕘得上聞
銀研拓弓非所覬庶憑春鐸振斯文
朝拜歸來戶晝扃小齋孤坐喜春晴
太平儻許斯文致未礙明窓管墨卿

偶書

唐到開元極盛年見人說侶即欣然
時時夢裏長安道驢背詩成雪滿肩

太一宮春早即事

漢家望祀竹宮神參禮精嚴動早晨
殿瓦漸分籠月白一聲金磬聽朝真

壬午除夜雜詩

來住京師已半年欲行還止果誰然
淵明豈是山林士苦要絃歌爲林田

兩間齋室過今冬臘雪纔消又朔風
底滯五窮何所戀終年相伴要詩工

鐵畫顏書雪屋燈夜深相對眼增明
莫疑擲几金聲書讀盡諸孫得杲卿

科斗秦燔漢莫猜釐陵况自晉初開
辭艱句澁無多旨筆削疑從戰國來

輝輝風日暖生煙氣運和平恐信然軒冕儻來皆外
物歲功無切是豐年

瓜畦分溉引溫湯三月中旬已進隴縱使得先諸菓
上摘來終是不蒸暑香

衆卉迎春竊化權苦寒都在早梅邊不愁一夜冰花
老便得和羹亦槁然

失之須信本來無勉強難於上坂車看取一陽潛九
地春來葭琯自舒徐

謝安石亦大基圖

百萬秦師未易摧動容無復捷音來入門偶折登山
齒一矯論公恐妄猜

江東全倚謝家安雅量形容對奕間勝負自初成筭

在風聲何賴八公山

沛公洗足見酈生圖

氣折狂豪一洗間要令游士吐嘉言初從沛長咸陽
帝此術施來第幾番

嗚然洗腴孰為賓中隱炎劉四百春一說便能延上
客君王肯效婦人仁

包總綿區細故捐未訪揮洗酈生前一頓一笑非無
謂不似高皇氣馭權

落魄高陽一酒徒畧除邊幅展雄圖桓門堅忍須臾
去長為東山出此模

布褐昂藏七尺身不容空老酒壚春風雲慘淡龍蛇
際首識隆顏亦可人

書壬午歲十二月廿二日夢中所見

青山隱隱水悠悠，鶴益前頭列火篝。
江閣連延三十里，停輶看處古昇州。

孫陽相馬圖 龍眠筆

昭王墓老秋蕪，合虞坂人歸暮。
鬪蒼魚產何嘗無駿，足世間能有幾孫陽。

渭橋迎代王圖 龍眠筆

古人作事同胚胎，畫到龍眠見大材。
勘破丹青自揮洒，意英宗還自濮陽來。

李臨城挽章

桂香坊裏推時售，雷爆竹聲中見孝。
心人道廡孫今有，右惜教舍笑九原深。

榮歸亭

策勳自合畫麒麟，佚老榮歸帝里春。
開卷賦詩還自笑，滿纓塵土向時人。
身外功名弊筵輕，一亭歸卧有餘榮。
分明昨夜南山獵，夢裏弦驚裂石聲。

再題胡烈婦殺虎圖

丈夫不作屠龍舉，捷婦能成刺虎威。
試看五行參運化，二陰何盛一陽微。

耽耽哆口摧天去，死地求生有若人。
寸鉄竟能伸義烈，大臣當國合橫身。

古稱政猛苛於虎，捕暴除殘惜壯圖。
喋血兩坊王義俠，袖鎚揮處幾於菟。

汗宅全用俵鬼事

皮骨皆為虎吻腴鬼幽曾不悟當初棘林夜黑相逢
處猶恐俵俵泣有餘

石鼎聯句圖

衡山何物老彌明氣壓武侯劉到震驚笑向半空盤硬
語火爐頭上把降旌
海上游談接大顛鼎邊聯句託軒轅不須苦泥中間
事二者看來揔大言

渭橋醉謁圖

閃閃鑿旗擁帝輿八方臣妾效高呼君王莫以來同
喜倚霍功成萬骨枯

圖文短畫金步

螭玉珠華兩翅排鬣高雙鳳拂雲來玉笙合就新翻
曲恰值碧桃花正開

雪中同郡寮遊避活泉

訟牒聽餘事未圓日長誰辨枕書眠出門偶作閑人
計踏雪來觀達活泉

淵碧澄泓一畝池勝遊都在郡城西潛蛟免致騰雲
潤歲歲分香入稻畦取東坡夏壠餅餌香之例也

雪窻無寐

夜深雪晃客窻明更比西樓月色清老大看書無眼
力偃然歌枕數寒更

早秋夜坐

候虫唧唧掩荆扉落索瓜蔓滿敗籬涼氣已隨新鴈

至小齋燈火便相宜

飲醯圖

一勺儘調鼎味三升鼻吸誠難翁不去為卿相何人
禁此辛酸

江南道

閩越自方千里冥冥海角天涯野竹踈梅沙路江邊
到處人家

早起效三五七字格

東方明清風發白露下無聲
步久寒侵襪撫楹歌
罷酒微醒月明滿地蘆花雪

秋澗先生大全文集卷第三十四

